

4.

# DEO OPTIMO MAXIMO UNI ET TRINO.

VIRGINI DEI-PARÆ, ET S. LUCÆ,  
Orthodoxorum Medicorum Patrono.

## QUÆSTIO MEDICO-CHIRURGICA,

*QUOD LIBETARIIS DISPUTATIONIBUS,  
manè discutienda in Scholis Medicorum, die Martis vigesima-secundâ mensis  
Martii, anno Domini M. DCC. LXXIV.*

### PRÆSIDE,

M. Michæle-Philippò BOUVART, Regii ordinis Equite, Regiæ  
Scientiarum Academia Socio, Doctore Medico.

*An ulcus inveteratum, si exaruerit, arte renovandum?*

#### I.



COMMUNE est omnibus ægris votum, ut morbo liberentur. Quibusdam tamen optandum est, ut morbi beneficio frui nunquam desinant, illorumque curationem tentare Medico nefas. Quippe non rarò, ex ipsâ ægritudine, falsus. Hoc præsertim de plurimis externis affectibus intelligendum est, passimque Medicis observandum occurrit. Sic, v. g., aliquando arthriticus humor, in variorum viscerum textu *cellulari*, aut *capillaribus* latens, eorum functiones diu larvatus lædit & perturbat, variosque mentitus morbos, Medicorum sagacitatem eludit. Deinde, subitâ & inexpectatâ naturæ vi, illius humoris in membrorum articulos fausta fit metastasis: tument, rubescunt, dolent manus, genua, pedes: vera innotescit præcedentium malorum causa: caput, pectus, abdomen liberantur, & ægro Medicus in tutâ vitam esse gratulatur. Quamdiu sic acris illa materia procul à centro amandatur, & in extremos artus propellitur, diris quidem circa illos cruciatibus æger obnoxius fit; sed vitæ incolumitas magna illi doloris compensatio est. Si verò illa materia, intus generari pergens, vel, ob vim vitæ deficientem, in extremas corporis partes rejici desinat, vel funestâ delitescentiâ ex his in internas ressuat, brevî functiones perturbantur: inde phrenitis, apoplexia, carus, paralysis, dementia, hebetudo, angina, peripneumonia, pleuritis, cardialgia, cholera morbus, iliaca passio, tormina, nephritis, urinæ retentio, variorum viscerum inflammatio, eorundem obstructio, humorum congestio, tandem fere omne malorum, tum acutorum, tum chronicorum, genus. Hinc tanti est, ut vel levissimi arthritici tumores nec sponte delitescant, nec præpostera medelâ repercutiantur.

Similiter, dum erysipelas, varii herpes, scabies, &c. in cute efflorescunt, sæpe diuturni & graves morbi solvuntur; iisdem verò deficientibus, aut evanescentibus, pessimi omnis mala succedunt. Causâ morbificâ tunc intus ressuente, vel actio viscerum citò obruitur, & cum vitâ cessat; vel, eâ languente, sensim cum lentâ morte misera vitâ mutatur.



Idem de plurimis effluxibus, idem de inveteratis ulceribus dicendum. Nimirum hæc, siue continuam, siue periodicam depurationem faciant, ex eo ipso, quòd diu persiste-  
rint, prophylactica habenda sunt. Hinc iis semper favere, nunquam nocere Medici  
prudentis est. Hinc illa, si exaruerint, citò renovanda. Quæ quidem doctrina ratione,  
analogiâ, experienciâ confirmatur.

## I I.

**N**OSTRO proposito 1<sup>o</sup>. ratio suffragatur. Nimirum vel illa ulcera ( si sponte orta  
fuerint ) olim ab humorum pravâ indole originem duxerunt; vel ( si externam  
causam habuerint ) humorum deinde vitio in annos, invitâ arte, protracta sunt; vel  
ipsa, ob venenum ab extrâ susceptum, incuriam, vel remedia temerè adhibita, for-  
dida & maligna, sanguini & lymphæ prids non inquinatis, ichoris, puris, saniei re-  
sorptione pravam diathesim communicaverunt. In quâcunque hypothesi patet naturam  
iis uti ad humores crassius, acribus, heterogeneis moleculis expurgandos, & quo magis  
diuturna harum versus illa derivatio fuit, eo majus periculum esse, si his illa via pa-  
tere desinat. Semel enim hâc oclusâ, niasmata impura, excerni solita, in corpore  
retinentur, accumuluntur, *circulationis* torrente, vel textûs *cellularis* viâ, huc &  
illuc feruntur, variorum organorum minimis tubulis aut cellulis hærent, in iis obstruc-  
tiones, inflammationes, suppurationes, gangrænas excitant. Inde phthisis pulmonalis,  
icterus, tabes hepatis, lienis, mesenterii, &c. innumeri alii morbi, pro variâ parte  
corporis obsessâ.

Quibus ergo contigit veteri ulcere liberari, tali bono diffidant; Medicusque om-  
nium, quæ tunc portenduntur, malorum semper memor, curam omnem impendat, vel  
ut metastasim in viscera præcaveat, vel ut jam factæ medetur. Quântam autem arte  
id peragat, ratio docet. Nimirum sit naturæ minister & adjutor: quam illa diu affec-  
tavit, viam illi rursus aperiât, & quòd vergere visi sunt, humores eò reducat. Minimè  
fidam cicatricem evertat: cutem stimulet, irriteret, erodat, donec suppressum efflu-  
xum ad genuinum fontem revocaverit.

## I I I.

**Q**UOD ratio docet, illud analogia indicat. Lex eadem esto de solito ulcerosæ ma-  
teriæ fluxu, ac de cutaneis affectibus, de rheumaticis aut arthriticis artuum dolo-  
ribus, plurimisque variæ indolis effluviis. Quos porrò horum omnium suppressio, deli-  
tescentia, aut cessatio morbos induxerunt, illos, iisdem natirâ vel arte restitutus, planè  
penitusque solvi videas.

Sic, v. g. nonnulli, quibus foetidissimum humorem pedes exsudare solent, si quâli-  
bet de causâ cesset hæc exsudatio, morbificas in corpore mutationes experiuntur, de  
capitis, aut membrorum gravitate queruntur, &c. &c. pedibus autem iterum & pariter  
sudantibus, pristina illis valetudo restituitur.

Sic plurimi, quos per hæmorrhoides purgatio diuturnis languoribus liberavit, si  
fortè illa supprimatur, vel iisdem affectibus iterum obnoxii sunt, vel aliis antea ignotis,  
sæpèque gravioribus affliguntur; si verò vel illa sponte redeat, vel artis auxilio revo-  
cetur, jam hepar, aliaque viscera superflui sanguinis mole allevantur, operibus suis ala-  
crius vacant, sanitasque optata redit.

Ira etiam quotidie multi, morbis vel gravissimis, in quos ex aliquâ cutaneâ erup-  
tione delitescente inciderant, feliciter & citò liberantur, si vel eadem eruptio, siue sponte,  
siue artis ope, rursus in cute appareat, vel ipsi Medicina salutarem pareat exitum. Talium  
curationum innumera exempla, tum in authorum scriptis leguntur, tum passim in  
praxi clinicis occurrunt; neque semel ipsa phthisis, quæ etiam confirmata jamque om-

nino desperata videbatur, Medicis mirantibus perfectè sanata est, cum *vesicatorii* aut cauterii ope materia *herpetica*, aut similis, pulmonem obruens, ab eo ad cutem faulsià revulsione averteretur.

Mirandum verò imprimis est quam felici successu gravissimos sæpe affectus & immanes in corpore tumultus Medicus compeecat, arthritici humoris quantitatem vel exiguam, in pristinam sedem, v. g., pedem, è quo evaserat, arte revocando. Eà de re incredibilia leguntur & observantur; neque conscribi indigna sequens observatio forte videbitur.

Mense Novembri anni 1763, in urbe San-Dionysio, foemina quædam cælebs, circiter quadragenaria, in pedis pollice levissimum dolorem sine rubore & tumore sensibili percepit. Cum nulla de arthritide suspicio esset, nec unquam hoc morbo afflicta fuisset, cuidam pollicis distorsioni dolorem attribuit, balsamumque, olei viridis nomine, huic applicuit. Post paucos dies dolores colicos acerbissimos cum enormi vomitu experta est. Adhibitis, sub formâ quâlibet, potus, clysmatum & cataplasmatum, variis lenientibus, emollientibus, temperantibus, anodynis, per tres dies continuos ad eò non miscebant symptomata, ut contrà exacerbarentur. Tandem, quamvis pollicis dolor neque gravis, neque diuturnus fuisset, vixque ab arthritide oriri potuisse videretur, sinapismo applicato, omnia symptomata per noctem remissa sunt, sicque, humore arthritico ad priorem sedem revocato, ægra postera die perfectè convaleuit.

Inde profectò quid in antiquo ulcere exsiccato Medico sit agendum, ex analogiâ pater.

#### I V.

**Q**UÆNAM autem medendi ratio tunc institui debeat, ipsa experientia clamat. Nemo certè clinicus est, cui, rebus ita se habentibus, restituti effluxus utilitatem & efficaciam, funestos verò non restituti effectus observare non contigerit; sed, ne in profectis exemplis prolixiores forte simus, sequens pro sexcentis habeatur.

Mense Aprili anni 1760 quidam sexagenarius degens in Parochiâ *Ver*, è Diœcesi Constantiensi, cum in agro solitis operibus vacaret, & sibi de optimâ valetudine gratularetur, repente sensus expers & quasi mortuus humi procubuit; mox in lecto repositus, per plures deinde dies, auditu, loquelâ, visu prorsus aboletis, nullisque eum remediis exulticantibus, jam am moriturus videbatur. Quartâ die ad eum vocati, cum præteritorum inquisitione tam subiti tamque gravis cari causam investigaremus, nihilque ab affantibus, unde illius causæ diagnosi erui posset, audiremus, forte advenienti Parocho non abs re visum fuit nos monere, hunc ægrotum, ante viginti & quinque annos, à rabido cane in crure demorsum fuisse; succedens vulneri ulcus postea per plures annos continuò persistisse; deinde, cicatrice obdusâ, identidem quolibet anno sponte renovatum fuisse; tandem periodicè recruidisse; jamque plurimis ab annis, unoquoque duntaxat vere, per quindecim circiter dies, ichoris quamdam copiam emisisse; solitum hunc effluxum hoc ipso anno, tribus aut quatuor ante morbi insultum diebus incepisse, ipsâ verò insultus die suppressum fuisse. His auditis, cruris inspectione de re certiores facti, jam neque de morbi causâ, neque de apponendo remedio dubitavimus. Statim ipsi ulceris loco *vesicatorium* applicatum est. Post paucas horas sensim evigilavit æger: postmodoque, copioso effluxu per artem sic restituto, nulla prorsus morbi vestigia remanebant.

Sic quod ratio docet, analogique indicat; experientia confirmat.

#### V.

**A**T inquires, resorpta ex ulcere materia per diversa corporis excernicula, cutem, renes, intestina, &c. à naturâ eliminari poterit. — Sed illa eliminatio penitus incerta est; nova quælibet humorum determinatio difficilis, lenta, minime tuta est.

Facile est, (urgebis) illam determinationem diureticis, purgantibus, diaphoreticis adjuvare & accelerare. — Memineris Medicum naturæ moderatorem non esse, sed ministrum atque imitatore. Esto tamen quod nociva materies arte subigi & amandari aliquando possit; sed cum in illâ amandatione tentandâ naturæ consuetudini & voto Medicina contradicat, periculum erit ne ex hujus & illius quâdam pugnâ naturales in corpore motus perturbentur, & ex perturbationibus animalis œconomia vitietur aut ruat, Dubia igitur utriusque, per naturam, aut artem, dictæ eliminationis via. Quod verò dubium est, ubi quid certius datur, à prudenti Medico nunquam expectari aut tentari debet.

Sed perges, ulceris inveterati spontanea exsiccatio materiæ morbificæ tandem exhaustæ indicium esse potest; supervacanea est igitur effluxus revocatio. — Imò verò talis exarescentia naturam humoris vel copiâ vel malignitate oppressam, vimque vitæ huic expellendo imparem factam, significare solet. Illud tristi quidem sed invictò argumento probant languor, pravus habitus, corporis gravitas, functionum inertia, humorum stagnatio & congestio, pedum tumefactio, oedemâ, anasarca, pectoris hydrops, ascitis, denique mors huic exarescentiæ ut plurimum succedentes.

Uteritis tandem instabis. Fortè ulcus situ suo maximè incommodum & molestum est. Tunc saltem minimè illud renovandum; sed in aliâ corporis parte, commodâ magis & conveniente, fonticulum instituere satius est. — Caveas verò ne sic nimis serò exitus humori pateat. Longa nimirum, sæpeque difficilis fonticuli institutio. Non nisi successivè & lentè illuc derivandi humoris effluxus determinatur, & quandoque minimè obtinetur. Intereâ metastasis in viscera fieri potest. Huic prudens occurre. Esto alibi fonticulum aliquando instituas; sed, donec sufficientem humoris copiam emittere assueverit, ex ipso ulcere humor educatur; remedia in hunc finem cathetica, epispastica, caustica, citò apponantur; sique viâ breviorè, citiorè, tutiorè malum imminens vel jam præsens avertatur.

*Ergò ulcus inveteratum, si exaruerit, arte renovandum.*

#### DOMINI DOCTORES DISPUTATURI.

M. Sanctus-Ludovicus GUINDANT, è Regiâ Scientiarum Societate Mompeliensi.	M. Antonius - Laurentius DE JUSSIEU, Regiæ Scientiarum Academiæ socius.	M. Michael - Josephus MAJULT, Antiquus Regis Exercituum in Germaniâ Medicus.
M. Philippus-Alexander BACHER.	M. Joannes - Jacobus NOLLAN.	M. Gaspardus COCHON DU PUY, Regii ordinis Eques, Regis Consiliarius & in Arce maritimâ Rupisfortensi Anatomes & Chirurgiæ Professor Regius.
M. Claudius-Andreas GOUBELLY.	M. Benjaminus - Michael SOLIER DE LA ROMIL-LAIS.	M. Jacobus-Albertus HAZON.

Proponerebat Parisiis THOMAS LE TENNEUR, Gaveræns Constantiensis; Doctor Medicus Cadomenis, nec non Saluberrimæ Facultatis Medicinæ Parisiensis Baccalaureus, Theſeos Autor, A. R. S. H. 1774. à sextâ ad meridiem.

Typis QUILLAU, Saluberrimæ Facultatis Medicinæ Typographi.